

## RE-ANUNSIU

### Vaga Servisu

#### Ofisiál Monitorizasaun no Avaliasaun (M&A)

NGO Belun hanesan organizasaun nasionál ida ne'ebé harii iha tinan 2004 hodi partisipa iha prosesu dezenvolve no harii nasaun Timor-Leste. Vizaun mak sosiedade Timor-Leste iha kbiit kreativu no krítiku hodi hametin dame ba dezenvolvimentu. Atu alkansa vizaun ida ne'e, Belun implementa nia misaun hodi serbi sosiedade no prevene konflitu ho integridade no inovativu.

Atu hatan di'ak ba meta programa mak Belun buka hela maluk **ida "Timorensé"** hodi tulun hamutuk ho Belun ba atinji atividade balun iha programa refere. Belun oferese oportunidade ba posizaun **"Ofisiál Monitorizasaun no Avaliasaun (M&A)"**

**Saláriu** : US\$ 800/fulan inklui TAXA  
Fatin Servisu : Dili no kobre Munisipiu Baucau, Covalima no RAEOA  
Relata ba : Jestor Program  
Periodu Kontratu : Novembru 2018- Janeiru 2019 (ho probatoriu fulan tolu (3) sei bazeia ba dezempeñu no finansiamentu husi doadores)

#### INFORMASAUN BAZE PROJETU NIAN

Agora dadauk, Belun hetan apoiu fundu husi parseiru UN Women ba implementa programa Feto Pas no Seguransa (FPS) husi rezolusaun konsellu seguransa ONU. Area kobertura programa iha Munisipiu Baucau, Covalima no RAEOA ho implementa besik comunidade iha area rurál. Objetivu programa ne'e foku liu ba hakbi'it comunidade, liliu organizasaun feto iha baze ba prevensaun konflitu no haforsa kapasidade ba harii dame.

**Rezultadu prinsipál husi programa:** Feto sira-nia grupu no organizasaun comunidade baze iha Baucau, Covalima no RAEOA iha kapasidade atu fó hatene ba prevensaun konflitu no prosesu harii dame.

Atividades ne'ebé mak projeitu ne'e halao'o:

1. Peskiza situasaun prévia (baseline survey) no halo mapamentu prevensaun konflitu no harii dame.
2. Fo treinamentu konaba transformasaun konflitu ba organizasaun feto, rede organizasaun sosiedade sivil no koñesementu ba analiza konflitu no rezolusaun disputa.
3. Enkontru trimestral ho organizasaun feto, Rede Prevensaun no Responde Konflitu (RPRK) no feto mediator hodi nune'e bele hare mediasaun no rezolusaun konflitu ne'ebé sensível ba jéneru.
4. Fo treinamentu ba organizasaun feto hodi uza belun nia dados iha sistema Atensaun no Responde Sedu (AtReS) no dezenvolve kapasidade iha konflitu, analiza dados no mudansa efetivu iha sistema Atensaun Sedu.
5. Fasilita grupu feto hodi halo produsaun no apresenta dokumentasaun kona-ba esperiensa iha prevensaun konflitu.

6. Kolabora hamutuk ho grupu komunidadu baziku ba dezeña oportunidade hodi kria mapeamentu ekonomia
7. Apoiu treinamentu konaba mikro finansa no nesesidade baziku hodi identifika oportunidade ba partisipasaun mapeamentu.
8. Liga Organizaun bazeia ba Komunidadu ne'ebé lidera husi fetu sira ho oportunidade subsistencia hodi fasilita soru-mutu entre parte interesadu sira.
9. Rekolla Dadus husi sistema AtReS hodi monitoriza insidente violentu sira iha Baucau, Covalima no RAEOA atu dezagrega kestaun ne'ebé relasiona ho jéneru no identifika envolvimentu fetu sira iha violénsia, prevensaun no rezolusaun konflitu.
10. Formasaun ba grupu fetu sira no organizaun bazeia ba komunidadu kona-ba oinsá atu prepara, implementa no monitoriza atividade dame no sira nia rezultadu iha aldeia
11. Provizaun kona-ba doasaun ki'ik sira ba grupu fetu no grupu organizaun bazeia ba komunidadu atu planeia, implementa no monitoriza esforsu lokál ba harii pás.

## **RESPONSABILIDADE**

- Dezenvolve formatu ba M&A, inklui indikadór ba programa FPS ne'ebé sensível ba jéneru
- Rekolla informasaun no dadus hodi monitoriza implementasaun projetu no realizasaun rezultadu sira.
- Halo revizaun regular ba indikadór no aktividade projetu nian ajusta ho rezultadu definidu sira.
- Halo treinamentu ba ekipa no parseiru kona-ba M&A
- Koordena serbisu besik ho ekipa Jestor Belun no mós jestor programa ida-idak.
- Halo tuir vizaun no misaun Belun hodi atinje objetivu Belun iha Planu Estratéjiku.
- Koordena serbisu ativu ho ekipa programa liu husi pillar 3 husi Belun nia planu estertagia hanesan pillar Prevensaun Konflitu, pillar dezenvolvimentu kapasidade komunidadu no Pillar peskiza no dezenvolvimentu polítika hodi hametin estratéjia polítika ba oin.
- Prepara relatóriu M&E no orsamentu (progresu no final) iha lian Inglés no tetun
- Koordena ho Koordinadór Belun iha munisípiu ba implementasaun atividade no mós parseiru relevante tuir nesesidade ligasaun ho atividade Belun.
- Arkivu no atualiza dokumentu servisu M&A nian iha kópia eletróniku no manual.
- Akompañamentu másimu ba ekipa serbisu baze iha implementasaun atividade hodi oferese intervensaun liu husi Monitorizasaun no Avaliasaun.
- Dezenvolve planu ba Avaliasaun serbisu ba kada fulan tolu, fulan neen no tinan ida, hamutuk Jestor rekursus humanus no programa.
- Halo viajen servisu nian ba munisípiu sira hanesan Baucau, Covalima no RAEOA.

## **KOMPETENSIA:**

- Kapasidade atu promove kolaborasaun ho pesoál servisu, internu no externu;
- Organizado, efikáz, kreativu no iha motivasaun a'as;
- Kapasidade diak tebes atu serbisu mesa-mesak no serbisu iha ekipa ida.

## REKERIMENTU BA KUALIFIKASAUN:

### I. EDUKASAUN

- Edukasaun mínimu diploma II no relevante ba Monitorizasaun no avaliasaun

### II. ESPERIENSIA

- Esperiéncia serbisu tinan 3-5 iha area M&A
- Iha esperiensa konabaservis M&A no Jeataun ba kuñesementu (knowledge management) inklui oinsa uza rezultadu peskiza sira, feramenta M&A, Jestaun bazeia ba Rezultadu no relatoriu.
- Iha esperiensa no kompriensaun diak tebes konaba metodolójia partisipativu sira ba mobilizasaun comunidade no aptidaun fasilitasaun comunidade nebe'e forte.
- Iha esperiensa no kapasidade atu analiza dados, hakerek no apresenta relatóriu bazea ba rezultadu.

### III. LINGUA NO ABILIDADE SELUK

- Iha komunikasaun diak no fluente iha lian Inglés no Tetun hakerek no mos koalia
- Literasia komputadór iha programa standartu sira hanesan Microsoft Office (Word, Excel, Power Point, no Baze de Dados) no abilidade atu uza ho efetividade ekipamentu teknologia (IT, mákina fotokopia, internet & email)
- Iha karta kondusaun válidu ba kareta no motorizada (hanesan vantajen ida).

Maluk sira ne'ebé interese, favor hatama karta aplikasaun no CV ne'ebé inklui ona referénsia na'in 3. Karta aplikasaun bele hatama mai Edifisiu Belun: 03 Travessa de Baucau, Farol, Dili **antes tuku 5.30 lokraik iha loron 20 Novembru 2018**. Bele mos haruka liu husi email: [office.belun@gmail.com](mailto:office.belun@gmail.com) ka [bylah.belun@gmail.com](mailto:bylah.belun@gmail.com) ou hatama ba Edifisiu Belun, 03 Travessa de Baucau.

Kandidatu ne'ebé liu seleksaun dokumentus de'it mak sei kontaktu hodi tuir entrevista. Atu hatene di'ak liu tan informasaun ba vaga ne'e, bele kontaktu ba numeru telemovel **7727 6671** ka **7713 0792**.

Enkoraja maka'as feto no joven sira atu hatama rekerimentu. Belun ho nia komprometidu atu proteje direitus labarik sira nian no promove igualdade jeneru iha área hotu-hotu nebe'e ami serbisu ba. Ami servisu makaas kontra fraude no abuzu poder.

**Dili, 7 Novembru 2018**

**Management Belun**